



REPUBLIKA E SHQIPËRISË  
KËSHILLI I MINISTRAVE

V E N D I M

Nr. 391, datë 9.6.2022

P Ë R

**PËRDORIMIN E FONDIT TË RINDËRTIMIT PËR SISTEMIMIN  
E HAPËSIRAVE PUBLIKE BRENDA ZONËS SË RE PËR ZHVILLIM,  
NË FSHATIN VALIAS, BASHKIA KAMZË, DHE CAKTIMIN SI NJËSI  
ZBATUESE TË BASHKISË KAMZË**

Në mbështetje të nenit 100 të Kushtetutës, të neneve 13, shkronja “b”, nënndarjet “i” dhe “iii”, 16 e 36, të aktit normativ nr.9, datë 16.12.2019, të Këshillit të Ministrave, “Për përballimin e pasojave të fatkeqësisë natyrore”, miratuar me ligjin nr.97/2019, të ligjit nr.9936, datë 26.6.2008, “Për menaxhimin e sistemit buxhetor në Republikën e Shqipërisë”, të ndryshuar, dhe të nenit 7, të ligjit nr.115/2021, “Për buxhetin e vitit 2022”, të ndryshuar, me propozimin e Zëvendëskryeministrit dhe ministër i Shtetit për Rindërtimin dhe Programin e Reformave, Këshilli i Ministrave

V E N D O S I:

1. Përdorimin e fondit të rindërtimit, në masën 157 532 742 (njëqind e pesëdhjetë e shtatë milionë e pesëqind e tridhjetë e dy mijë e shtatëqind e dyzet e dy) lekë pa TVSH, për sistemimin e hapësirave publike brenda zonës së re për zhvillim, në fshatin Valias, Bashkia Kamzë.
2. Përdorimin e fondit të rindërtimit, për vitin 2022, në masën 31 506 548 (tridhjetë e një milionë e pesëqind e gjashtë mijë e pesëqind e dyzet e tetë) lekë pa TVSH, i cili do të përballohet nga hapësira buxhetore e siguruar pas ngurtësimit në të njëjtën masë të fondeve të projekteve të rindërtimit me ecuri të ngadaltë dhe i transferohet Bashkisë Kamzë, në formën e transfertës së pakushtëzuar.
3. Caktimin e Bashkisë Kamzë si njësi zbatuese, sipas pikave 1 dhe 2, të këtij vendimi.

4. Ngarkohen Zëvendëskryeministri dhe ministër i Shtetit për Rindërtimin dhe Programin e Reformave, Ministria e Financave dhe Ekonomisë dhe Bashkia Kamzë për zbatimin e këtij vendimi.

Ky vendim hyn në fuqi menjëherë dhe botohet në "Fletoren zyrtare".

**KRYEMINISTRI**

**EDI RAMA**

**ZËVENDËSKRYEMINISTRI  
DHE MINISTËR I SHTETIT PËR RINDËRTIMIN  
DHE PROGRAMIN E REFORMAVE**

**ARBEN AHMETAJ**

NR.PROT. 3203/1  
DATË 10.6. 2022

ZËVENDËSKRYEMINISTRIT DHE MINISTËR I  
SHTETIT PËR RINDËRTIMIN DHE PROGRAMIN E  
REFORMAVE  
MINISTRIË SË FINANCAVE DHE EKONOMISË  
BASHKISË KAMZË  
QENDRËS SË BOTIMEVE ZYRTARE

Sekretari i Përgjithshëm



Engjëll AGAÇI